

NOVA
CANZONETTA
CVRIOSÀ.

310.


Sopra quel Cieco dimandato, che cosa ghe che
no me fè limosina.

Composta da Paulo Britti Cieco da Venetia.



In Treuigi, Per Girolamo Righettini. 1634.

Con Licenza de' Superiori.



Territorio Venetian
mi son pouero Bressan
che vol fermarfe in sta Citta
se però la carità
cortesemente me farè
che cosa ghe, che cosa ghe, che cosa ghe.

Deh moueue a compassion
se ben che no sò oration
perche ancor no le hò imparà
co le me farà insegnà
ve dirò quel che vu vorè
che cosa ghe, che cosa ghe.

Fe limosina Signori
no me fe far più remori
mostre segno di pierà
ogni vn de vu ve hò supplicà
mo da che vien che non men de?
che cosa ghe, che cosa ghe.

Quando che mi ghe vedeua
sto mistier me dispiafeua
ma però la pouertà
à sto passo hà condenà
il meschin Bortolamè
che cosa ghe, che cosa ghe.

Mi

Mi ve sporzo il bosoletto
acciò che qualche marchero
me ghe sia dentro butà
donque habieme consolà
che il bisogno vu vedè
che cosa ghe, che cosa ghe.

No guardè che no ghe veda
e che adesto ve procieda
come vol la pouertà
de sporzeme carità
perche gran merito hauerè
che cosa ghe, che cosa ghe.

Quando giera san è bello
da campagna barisello
per gran tempo mi son stà
la fortuna se ha voltà
acciò che il caso sapiè
che cosa ghe, che cosa ghe.

De portar spada in cintura
de nissun no hauea paura
grami chi giera intrigà
co diseua fate in qua
i rispondeua comandè
che cosa ghe, che cosa ghe.

Coi



Coi chiapaua in tel cauezzo
con remor, e con disprezzo
presto i destendeva là
no i hauena vita ne sià
e che'l sia vero giudichè,
che cosa ghe, che cosa ghe.

Hora adesso son in stato
che ogni zorno a pena catto
per auerme reficià
ma so che son a vna Città
che tutti vù me aiuterè
che cosa ghe, che cosa ghe.

Mi vorauè accompagnarne
mi vorauè maridarne
per fermarme in sta Città
e trouar vn parentà
proprio fatto sul mio pè,
che cosa ghe, che cosa ghe.

Mi vorauè vna donzella
che la fusse putta bella
accioche quando vago a cà
la difese fate in qua
caro il mio Bortolamè
che cosa ghe, che cosa ghe.

No la voi sguerza ne zotta
voi che l'habia bona dotta
che la sia ben informà
granda è grossa e ben stampà
per poder far il fato me.
che cosa ghe, che cosa ghe.


Ghe ne hò tiolto vn'altra a Bressa
e per far le cose impressa
sta sassina m'ha gabà
che la note il di per cà
me tochaua a dir chi è
che cosa ghe, che cosa ghe.

E perche sò che ste putte
la più parte, e tutte astute
penso a qualche mi hò passà
che co farò maridà
no valerà à sauer perche
che cosa ghe, che cosa ghe.

Horsù con bona ventura
se ghe qualche creatura
col pensier accomodà
de teghirme cocolà
auè trouà quel che cerchè
che cosa ghe, che cosa ghe.

No

Và



Vù Signori in questo tanto
che la historia mi ve canto
preparè la carità
perche il Ciel ve aiuterà
di tutto quel che vu bramè
che cosa ghe, che cosa ghe.

Ve accorzeu che vien l'inuerno
e si no auerò gouerno
il Bressan se agiacerà
dunque per vostra bontà
voi che in gratia il maridè
che cosa ghe, che cosa ghe.

Se la puta è di giuditio
la farà al vostro seruitio
qua no ge difficoltà
il Bressan l'impresterà
con pato che ghe la torne.
che cosa ghe, che cosa ghe.

Questo è quel Bartolamio
bon da niente, e defauio
mal composto, e mal stampà
si qualcun chil sia nol sà
la canzon vu lezerè
che cosa ghe, che cosa ghe, che cosa ghe.

